



Najbolji od vas su moji savremenici, zatim oni koji dolaze poslije njih, a zatim oni koji dolaze poslije njih

Prenosi se od Imrana ibn Husajna, radijallahu 'anh, da je Poslanik, sallallahu alejhi ve sellem, rekao: "Najbolji od vas su moji savremenici, zatim oni koji dolaze poslije njih, a zatim oni koji dolaze poslije njih." Imran, radijallahu anhu, rekao je: "Ne znam je li Poslanik, sallallahu alejhi ve sellem, spomenuo dvije ili tri generacije nakon njih." Potom je Poslanik, sallallahu alejhi ve sellem, rekao: "Nakon vas će doći ljudi koji će varati i neće biti povjerljivi, svjedočit će, a neće biti pozivani za svjedoke, zavjetovat će se, ali neće ispunjavati zavjete, i među njima će se širiti gojaznost."

[Vjerodostojan] [Muttefekun alejh]

Poslanik, sallallahu alejhi ve sellem, obavijestio je da su najbolja generacija ljudi oni koji su živjeli u vremenu kada je on bio prisutan, tj. ashabi. Nakon njih slijedi generacija vjernika koja je doživjela ashabe, ali nije doživjela Poslanika, sallallahu alejhi ve sellem. Potom dolazi generacija koja slijedi tabiine, a ashab koji je prenio hadis, izrazio je nesigurnost oko spominjanja četvrte generacije. Zatim je Poslanik, sallallahu alejhi ve sellem, rekao: "Nakon njih će doći ljudi koji će varati, i ljudi im neće vjerovati. Svjedočit će prije nego što budu pozvani da svjedoče, zavjetovat će se, ali neće ispunjavati svoje zavjete, te će se prepuštati obilnom jelu i piću sve dok se među njima ne proširi gojaznost."

<https://www.sunnah.global/hadeeth/bs/show/66370>

